



Gmejnska nowina Ralbicy - Róžant



35. lětnik / 1.wudaće
Hamske topjeno
pražnik 2023
04.07.2023

www.ralbitz-rosenthal.de
gemeinde@ralbitz-rosenthal.de



Foće: Rafael Ledźbor

Na zwučene wašnje bě na Bože čěto procesion wěriwych ducy po Ralbicach. Lětsa je wo cyrkwiskim wjeršku w našej wosadže tež telewizijny sćelak MDR z přinoškom rozprawjał.



Wobzamknjenja gmejskeje rady gmejny Ralbic-Róžant

Na posedženju gmejskeje rady dnja 22.06.2023 su so scěhowace wobzamknjenja schwalili:

Wobzamknjenje č. 23-06/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 03 – róštywar

Wobzamknjenje č. 24-06/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 05 – wokna/fasada/durje

Wobzamknjenje č. 25-06/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 35 – elektroinstalacija

Wobzamknjenje č. 26-06/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 24 – tepjenska technika

Wobzamknjenje č. 27-06/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 25 – wětrowanska technika

Wobzamknjenje č. 28-06/2023

Wobzamknjenje k přepodaću nadawka za nowotwar pěstowarnje z rozšěrjenjom kapacity a ze saněrowanjom stareho twarjenja k hortej w Ralbicach: lós 26 – sanitarna technika

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Ryčer, wjesnjanosta



Wobzamknjeni techniskeho wuběrka gmejny Ralbic-Róžant

Na posedženju techniskeho wuběrka dnja 22.06.2023 stej so scěhowacej wobzamknjeni schwaliloj:

1. Stejnišćo k próstwje wo twar bydlenkeho doma z garažu na ležownosći 104 w Nowoslicach
2. Stejnišćo k nastajenju kontejnera z měru 6 x 10 m k zarjadowanju wustajeńcy

<p>Rěčne hodžiny gmejskeho zarjada w Róžeńće: wutoru a štwórtk: 14.00–18.00 hodž.</p> <p>Rěčne hodžiny wjesnjanosty: štwórtk: 15.00–18.00 hodž. po dorěčenju</p> <p>Dowola dla je gmejnski zarjad w Róžeńće wot 10.07. do 28.07.2023 zawrjeny. Při prašenjach steja sobudželačerjo zarjadniskeho zwjazka „Při Klósterskej wodže“ pod tel. č. 035796/9460 za Was k dispoziciji.</p> <p>Serbske wudaće gmejskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładze hospodarskeho plana, wobzamknjeneho wot zapóslancow Sakskeho krajneho sejma sobu financuja.</p>	<p><u>Nuzowe čisła</u></p> <table border="1"> <tr> <td>milina</td> <td>ENSO Netz GmbH 0351/50178881</td> </tr> <tr> <td>woda</td> <td>Ewag Kamenz 03578/377377</td> </tr> <tr> <td>płun</td> <td>EVSE Wittichenau 035725/7410</td> </tr> <tr> <td>wopłóčki</td> <td>AZV Am Klosterwasser 035796/96026</td> </tr> <tr> <td>policija</td> <td>110</td> </tr> <tr> <td>nuzowy lékař / wohnjowa wobora</td> <td>112</td> </tr> <tr> <td>wohnjowa wobora</td> <td>035796/850086</td> </tr> <tr> <td>Ralbic</td> <td></td> </tr> </table>	milina	ENSO Netz GmbH 0351/50178881	woda	Ewag Kamenz 03578/377377	płun	EVSE Wittichenau 035725/7410	wopłóčki	AZV Am Klosterwasser 035796/96026	policija	110	nuzowy lékař / wohnjowa wobora	112	wohnjowa wobora	035796/850086	Ralbic	
milina	ENSO Netz GmbH 0351/50178881																
woda	Ewag Kamenz 03578/377377																
płun	EVSE Wittichenau 035725/7410																
wopłóčki	AZV Am Klosterwasser 035796/96026																
policija	110																
nuzowy lékař / wohnjowa wobora	112																
wohnjowa wobora	035796/850086																
Ralbic																	
<p>IMPRESUM – Gmejska nowina gmejny Ralbic-Róžant Zamołwity: wjesnjanosta Hubertus Ryčer Gmejski zarjad Při Marijinej studničce 8 01920 Róžant Tel.: 035796/96832 Faks: 035796/96833 Mejlka: gemeinde@ralbitz-rosenthal.de Internet: www.ralbitz-rosenthal.de Towarstwa su za wobsah svojich stronow same zamołwite.</p>	<p>Redakciski kónc za wudaće žnjenca 2023: 14.07.2023 Prošu zapodajće wšitke přinoški za nowinu z mejlku na: gmejska.nowina@gmx.de Online-wudaće gmejskeje nowiny pod: www.ralbitz-rosenthal.de</p>																

Přichodne posedženje gmejskeje rady gmejny Ralbicy-Róžant wotměje so štwórtk, dnja 20.07.2023 we 18.30 hodž. na gmejnskim zarjedže w Róžeńće. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so po potrebjce štwórtk, dnja 20.07.2023 we 18.00 hodž. na gmejnskim zarjedže w Róžeńće. Dnjowy porjad so přez městne wuwěški wozjewi.

Gratulujemy wšitkim rentnarkam a rentnarjam našeje gmejny k narodninam a přejemy krutu strowotu a Bože žohnowanje!



9. julija	Weronika Glawšowa	Sernjany	70. narodniny
11. julija	Jurij Žur	Ralbicy	85. narodniny
21. julija	Brigitta Rachelina	Šunow	75. narodniny

Tež wšitkim njemjenowanym narodninarjam přejemy wjele zboža, strowotu a wosobinske derjeměće.

Dalše twarske naprawy za nowotwar dnjoweho přebywanišća w Ralbicach

Na posedženju gmejskeje rady gmejny Ralbicy-Róžant 22. Junija 2023 je so dalše přepodaće nadawkow za nowotwar dnjoweho přebywanišća w Ralbicach wobzamknyło. Sćěhowace nadawki su so přepodali:

Lós 03 – róštytwar: wobzamknjenje č. 23-06/2023

Firma Otto Gerüstbau GmbH Radeberg
Großröhdsdorfska dróha 20
01454 Radeberg

32.034,19 € (brutto)

Lós 05 – wokna/fasada/durje: wobzamknjenje č. 24-06/2023

Firma Bau- und Möbeltischlerei Walter Henker
Naundorfska dróha 18
02633 Huska

496.869,03 € (brutto)

Lós 35 – elektroinstalacija: wobzamknjenje č. 25-06/2023

Firma Elektro-GmbH Gerold Zschieschang
Při Kummelowym młynje 14
02977 Wojerecy

376.116,45 € (brutto)

Lós 24 – tepjenska technika: wobzamknjenje č. 26-06/2023

Firma HSKG – moderne Haustechnik GmbH
Eselsburg 6
01917 Kamenz

414.521,15 € (brutto)

Lós 25 – wětrowanska technika: wobzamknjenje č. 27-06/2023

Firma R & Z Innovative Haustechnik GmbH
Kamjonej 16a
02627 Radwor

160.698,53 € (brutto)

Lós 26 – sanitarna technika: wobzamknjenje č. 28-06/2023

Firma Hellner GbR Gas Wasser Heizungsbau
Fabrikska 5
02687 Wjelećin

227.204,52 € (brutto)



Kedźbu před Jakubowym zelom

Na łukach mjez Šunowom a Smjerdžacej bu jědojte Jakubowe zelo (Jakobkreuzkraut) zwěscene. Čerstwu rostlinu skót a dźiwina nježerjetej. Jeli pak dóstanje so žolto kćějace zelo do syna, so sobu žerje. To je strašne, dokelž móže skót zahynýć resp. na rak jatrow schorjeć. Štóž tute zelo nańdže, njech so prošu pola zarjadniskeho zwjazka „Při Klóšterskej wodže“ přizjewi.

Medieninformation

Statistisches Landesamt des Freistaates Sachsen

Ihre Ansprechpartnerin
Frau Lommatzsch

Durchwahl
Telefon +49 3578 33-2106
Telefax +49 3578 33-552180

presse@statistik.sachsen.de

Kamenz, 05.06.2023

„Wo bleibt mein Geld?“ Teilnehmer für die größte freiwillige Haushaltserhebung gesucht

Einkommens- und Verbrauchsstichprobe (EVS) der amtlichen Statistik schafft belastbare Datengrundlage. Mitmachen und mindestens 100 Euro Prämie erhalten.

Wieviel Geld geben die Menschen in Deutschland aus und wofür? Wie hoch sind konkret die Ausgaben für Lebensmittel, Wohnen, Verkehr und andere Dinge? Antworten auf diese und weitere Fragen liefert die EVS. Unter dem Motto „Wo bleibt mein Geld“ führt das Statistische Landesamt des Freistaates Sachsen diese Erhebung aktuell gemeinsam mit den Statistischen Ämtern des Bundes und der Länder die EVS durch. Dafür werden seit Anfang des Jahres in Sachsen insgesamt 5 000 Haushalte gesucht, die sich an der größten freiwilligen Befragung der amtlichen Statistik beteiligen.

Als **Dankeschön** gibt es eine Geldprämie von mindestens **100 Euro**.

Was ist dafür zu tun? Jeder Haushalt dokumentiert drei Monate lang seine Ausgaben zum Beispiel für Lebensmittel, Bekleidung und Freizeit. Darüber hinaus werden Fragen zum Haushalt, der Wohnsituation, Ausstattung mit bestimmten Gebrauchsgütern, Vermögenssituation sowie den Haushalts- und Personeneinkommen gestellt. Erstmals können die Haushalte per App auf mobilen Endgeräten und/oder über den Browser als Webanwendung (Web App) an der EVS 2023 teilnehmen. Die aus früheren Erhebungen bekannte Teilnahme mit einem Papierfragebogen ist aber ebenfalls weiter möglich.

Die EVS beruht auf einer Quotenstichprobe. Aus den Anmeldungen wird quartalsweise eine bevölkerungsrepräsentative Stichprobe gezogen. Um alle Quoten ausreichend besetzen zu können, werden insbesondere noch folgende Haushalte gesucht:

- **Einpersonenhaushalte**
- **Rentner**
- **Selbstständige**
- **Landwirte**

Nur mit Ihrer Mithilfe können aussagekräftige Informationen über die Lebenssituation der privaten Haushalte in Deutschland gewonnen werden.

Weitere Informationen sowie die Teilnahmeerklärung finden Sie unter www.evs2023.de

Gerne stehen wir Ihnen auch telefonisch unter der **kostenlosen Hotline: 0800 033 25 25** zur Verfügung.

Seite 1 von 1

Statistisches Landesamt
des Freistaates Sachsen
Macherstraße 63
01917 Kamenz

www.statistik.sachsen.de

NEU
Twitter: @Statistik_SN

Auskunftsdienst
Telefon +49 3578 33-1913
Telefax +49 3578 33-1921
info@statistik.sachsen.de

Bestellung von Publikationen
Telefon +49 3578 33-1240
vertrieb@statistik.sachsen.de

* Informationen zum Zugang für verschlüsselte / signierte E-Mails / elektronische Dokumente sowie De-Mail unter www.statistik.sachsen.de/html/kontakt.html

Informationen nach DSGVO unter www.stla.sachsen.de/datenschutz.html



pěstowarnja „dr. Jurij Mlynk“ w Rablitzach

Džeń džěsća



Na lětušim dnju džěsća bě za džěći Rabličanskeje pěstowarnje a žłobika w Smjerdźacej zaso jónu cyle wosebity džeń. Zahrodže běštej rjenje z wimplemi a balonkami wupyšenej. Kubłarjo a kubłarki su sej za nich cyle wosebite wjerški wumyslili a spřihotowali. Tak džěštej skupinje pěstowarnje do Šunowa a do Nowoslic, hdžež



smědzachu džěći na konju jěchać a so na hrajkanišću zabawjeć. Třeća skupina wosta na zahrodže kubłanišća. Tu mějachu koleginu z jeje psom přeprošenu. Wobdźiwachu jeho wšelake činki. Na to smědzachu džěći jeho majkać a sej z nim pohrajkać. Po pytanju pokłada pražachu sej k wobjedu kołbaski. Wězo tež lód a balony za wšitke džěći na



tutym rjanym dnju njepobrachowachu. Naši najmłódši w žłobiku pak wjeselachu so nad koparskimi wrotami a pisanymi bulemi. Honjenje za mydliznowymi pucherkami běše poradžena překwapjenka.



Gabriela Handrikowa a
Carolin Jurkowa



Serbská základna škola Ralbicy

Delanski ZWónčk



Pražnik 2023 / číslo 89

Sorbische Grundschule Ralbitz

Rjany pućowanski dzeń

Rjadowni 2/1 a 2/2 přewjedžeštej w meji swój 2. pućowanski dzeń pod temu "Naše domjace zwěrjata." Byrnjež skoro wšitcy z wjeski pochadźeli a so z domjacym skotom dosć derje wuznali, wjeselachu so šulerjo na pućowanje.

Po pólnym pućiku přichadžejo do Nowoslic, snědachmy na wjesnym hrajkanišću a wuprobowachmy tam wšelake nastroje. We wsy wopytachmy dvě swójbje, kotrež matej na svojim statoku domjace zwěrjata. Wobě nas wutrobnje witaštej a nas samo ze stódnymi wěcami překwapištej.

Pola Möglec-Kutterec nam šikwana kóčka napřečo přiběža. Wšitcy ju wězo rady pomajkach. Jich džed pokaza nam wšitke domjace zwěrjata, kotrež plahuja: nukle, kokoše, honača a krowje. Tež pola Obstec mějachmy naše wjeselo. Tam su nas wosebje hołbje zajimowali. A nimo domjacych zwěrjatow přebywa pola Obstec kóžde lěto hač do 24 łastojčkow. Pod třechu mějachu 4 hněžka a w kóždym hnězdze běše łastojči porik ze



3 do 4 młodymi. Před domjacym psom njeje docyła nchtó strach mět. Tež jeho chcychu wšitcy přimnyć abo potłócić. Po zdaću so psej naša přitomnosť spodobaše, dokelž běše nam jara přichileny. Čas so spěšnje minješe a podachmy so zaso na dompuć.

Bjesadujo a spěwajo nóžkowachmy wjeseli zaso wróco do šule.

Něšto hišće přeradźimy: Nikomu njejstej noze bolatoj a nchtó njeje stonał.

Lubje so pola Möglec-Kutterec a Obstec za hospodliwosć podžakujemy.

L. Wićazowa




Lětuše mejemjetanje

Srjedu, 17.05.23 přewjedźechmy na rjanym mejskim dopołdnju naše mejemjetanje. Holcy štwórteju lětnikow so z pomocu pilnych hotowańčow katolsku drastu wobležechu.

Hižo wot ranja sem pak knježeše čite žiwjenje na našej šuli! Wšako smědzachmy so na wšelakich zajimawych stacijach zaběrać. Za kóždeho bě něšto pódla: sportowe stacije, wotpinanje při masaži, digitalne programy, hry z pismikami, rejowanje, pomolowanje kamjenjow, šminkowanje abo čišćenje wšelakich motiwow přez laserowe pruhi na šćěpjel. W přestawkach dachmy sej stódný tykanc, kotryž běchu naše pilne maćerje napjekli, derje stóžec.

Potom pak bližachmy so skónčnje wjerškeje džensnišeho dnja - mejemjetanju! Najprjedy hólcy a holcy štwórteju lětnikow wokoto meje rejowachu. Za to běchu sej wosebitu choreografiju wumyslili, zo bychu tež wšitke hólcy sobu rejować móhli. Wšako je jich tójšto wjac hač holcow! Po programje kulturneje skupiny a zhromadneje rejce běžachu hólcy wo wjeršk meje. Na kóncu běše Philip Korch najspěšniši a wuzwoli sej Leju Wjacławkec za mejsku kralownu. Wosebita překwapjenka na kóncu dnja běše wopyt knjeza Wróbla, kotryž nas ze swojimi trikami zahori a wobkuzła.

Wutrobny džak wšitkim pomocnikam, kotřiž su k poradźenju tutoho rjaneho swjedženja přinošowali!



F. Rachelina

Što čini poprawom knjeni Čižankek? Wona nas informuje:

W februarje wopušćich Łužicu a z tym tež wašu šulu, po tym zo sym referendariat zakónčiła. Rozsud njebě lochki, ale z priwatnych přičin w tutym wokomiku zmysłapótny. Bydlu w Lipsku. Město znaju hišće ze studijneho časa a je lubuju. Nětko pak bydlu skerje w měrnym džělu na kromje města. Džětam w małej wjesnej šuli blisko Saksko-Anhaltskeje hranicy. Wjeska rěka Löbnitz a kónčina dopomina mje w mnohich naležnosćach na Łužiske wsy. Wjesna zhromadnosć z mnoho towarstwami je tež tu jara aktiwna. W šuli wuknu tučasnje wokoto 80 šulerjow a šulerkow. Wosebitosć pak je, zo wuknu šulerjo přernjeho a druheho kaž tež šulerjo třećeho a štwórteho lětnika we wěstych fazach w měšanych skupinach. To so šulerjam, kaž tež nam wučerjam jara lubi! Spočatk noweho šulskeho lěta směm jako rjadowniska wučerka nowy přeni lětnik do šule witać. Zwonka šule njeje so pola mje wjele změniło: Hdyž su hodžinske přihoty zakónčene, sym najhušćišo zbytk dnja w konjencu we wsy. Tak sym tež hnydom mnoho



wučerstwjace prózdniny.

lubych ludźi zeznała. Tučasnje přihotujemy wulki wjesny swjedžeń, kotryž traje štyri dny. Na tutym swjedženju přewjedu so wšelakore programy, hermank za džěći a wulki skakanski turněr. Kónc meje mějach móžnosć, Ralbičan šulu a mojich něhdyšich šulerjow wopytać. To bě radžena překwapjenka a njany krótki zhromadny čas zasowidženja. Přejdu wšitkim

dalše wuspěšne šulske dny a bórze
Waša knjeni Čižankek! 😊

Jutrowne wjeselo w Jiřetínje a Dolním Podluží

Tež lětsa do jutrow podpěraše naša šula zaso pomocnu akciju knjeza Gerata Wróbla.



Šulerjo, starši a wučerki hromadžachu mnoho darow. Pakowachu pakćiki z trěbnymi wěcami wšedneho dnja



kaž tež z hrajkami a małymi překwapjenkami za samostejace žony z małymi džěćimi w maćernym domje w českim Jiřetínje. Zhromadnje z knjezom Wróblom podachu so štyrjo šulerjo 4. lětnika a wučerka knjeni Šewcowa na puć do Jiřetína, zo bychu swoje dary potřebnym wosobinsce přepodali. Jara hnujace bě za našich šulerjow dožiwić, w kajkich jednorych a skromnych wobstejnosćach tute džěći wotrostu. Přeco zaso so žony ze swojimi džěćimi přez wutrobite dary z Łužicy wjesela!

F. Bruscyňa

Terminowa protyčka:

wot 10.07. do 18.08.2023

lětnje prózdniny

21.08.2023

1. šulski džěń, kónc po 4. hodžinje



Wšitkim rjane wočerstwjace prózdniny!



ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Pražnik 2023
28. lětnik, 276. wudaće

Rjadowniska jězba do Błótow

Póndźelu, dnja 17.04.2023 dojedžeštej sej sedmej lětnikaj na rjadownisku jězbu z ćahom do Choćebuza. Po tym zo do młodownje doběžachmy, wupožčichmy sej kolesa a jědzechmy hač do Bórkowow, zo bychmy tam padlowali. Wječor dachmy sej hišće swobodny čas lubić. Nazajtra kolesowachmy někak 30 kilometrow k słowjanskemu hrodzišću do Raduša. Jako so



krótko po wobjedže zaso do Choćebuza wróćichmy, čaka na nas hižo dalše dyrdomdejstwo - Choćebuska pławanska kupjel, w kotrejž dvě hodzinje přebywachmy. Srjedu wobhladachmy sej Serbski muzej w Choćebuzu. Tam wopyta nas radijowy sćelak „rbb Braniborska“ a porěča z někotrymi šulerkami a šulerjemi. Popołdnu wotjědže ćah zaso wróćo do Wojerec. Lětnikaj 7/1 a 7/2 džakujetaj so knjezej Zahrodnikej, knjezej Wowčernej, knjezej Kliemankej a knjeni Krječmanowej za tutu wulkotnu jězbu!

- Beno Mikławšk a Cornelius Korch -

Sy hižo wědźať/a?

Melony liča pola nas jako sad. Tola poprawom njeje to scyła prawje: Z botaniskeho wida słušeja wšitke družiny melony k rostlinam kirbsow. Melona je potajkim skerje zelenina!
OOHHH!!

Abo sy hižo wědźať/a,

zo so truskalcy tohorunja do sadu njezarjaduja? Z botaniskeho wida njejsu scyła pľody, ale družina worjechow. To zaleži na tym, zo ma truskalca zwonka małe symješka (worješki), kotrež su wot twjerdeje skory wobdate, štož je typiske za worjech. AAHHH!!



- Julia Grutkec -

Lěčne hry

Njedaj wodowy balon puknyć
 Tykń sej mjez kolenomaj
 pjelnjeny wodowy balon. Njes
 jón někak 10 metrow daloko do
 cila. Wariěruj w pohibje (na
 přiklad běž kaž rak abo dozady).

Wodowe jabłuko
 Maš bow połny wody.
 Spytaj so pluwace jabłuka
 we wodže z hubu a bjez
 rukow z bowa wudzić.

Wodowe mišterstwa
 Nastaj prózdne plastikowe
 bleše a polož na nje
 blidotenisowe bule. Spytaj
 nětko bule z wodowej třělbu
 wottřeleć. Štó docpěje
 najwjace dypkow?

Mjetać a łojić z wodowymi balonami

Pjelńće balony z wodu a
 přimjetajće sej tute. Pola kohož
 so balon pukny, dóstanje dypk.
 Štóž ma najwjace dypkow, je
 přehrať.

Tolsty křižik w kalendrje

Swjatki njedzelu je tolsty křižik pola wšitkich Nowosličanow w kalendrje. Woswjećimy to naš kóždolětny swjedžen mejemjetanja. Cyła wjeska zetka so popołdnu na dobru šalku kofeja a na wjesoły, wotměnjaty program wjesnych džěci. Překwapjenka za wšitkich běše, zo su sej holcy serbsku narodnu drastu zdrasćili. Tež Christina Šoćina, kotraž je program z džěcimi nazwučowała, so ju zdrasći. „Takle wjerćimy“ su ze staršimi, džedom abo wowku rejowali a k spěwej „Wódny muž“ skupiny Holaski z Chróscic so rytmisce pohibowali. Po programje wjedžeše Diana Fryčec-Grimmigowa w serbskej narodnej džělanskej drasće. Program je kóžde lěto hinaši, kóžde lěto syda nowy směšk, nowa překwapjenka abo nowy instrument džěsća. Rěkaše hižo, zo Nowosličeno bórze swójsku kapału založić móža, jenož mjeno hišće faluje. Hač gitara, akordeon, pišćalka abo kachon, wšitko je pódla, a džěci maja wjeselo. Wo mejskeho krala je so w Nowoslicach samo



dwójce wojowało. Dwójce staj w samsnym času mejski štom hrabnytoj, tak zo mějachmy dwaj kralaj a dvě kralownje. Frederik Šořta wuzwoli sej swoju sotru Viktoriu za mejsku kralownu a druhi por běštaj Jannik Waury a Marianna Pólkec. Po programje je wjeselo přeco bóle přiběrało. Překwapjenka běštej plackowej mužej a džěci so hišće raz tak prawje wucychnowachu. Skakanski hród za mjeńšich, žerdž za waženje a třělenje na cilowu tarč abo zhromadna kopańca „starši přećiwo młodym“ běchu popołdnu wobrubili. Swjećeše so hišće prawje a wječor derje wuklinča. Wutrobny džak tež na tutym městnje wšitkim wjesnjanam za pomoc a wjesnej radže za wulkotnu organizaciju. Přichodne lěto zas!

tekst a foće: Rafaela Domaškec



19. Löschangriff Freiwillige Feuerwehr Schmerlitz

Sonntag 06.08.2023 ab 13:30 Uhr:

- 19. Wettkampf der Feuerwehren in der Disziplin Löschangriff nass
- Bunttes Kinderprogramm mit Hüpfburg, Kinderschminken, Entenrennen, Kinderspritzen und vielem mehr